

IN MEMORIAM

KOLOŠ FIKRET, ING. GEOD.



Prerano, u punom naponu stvaralačke snage u 43. godini života iz naših redova nestao je divan drug, prijatelj, stručnjak, neumorni radnik, geod.ing. Kološ Fikret.

Smrt ga je zadesila 11.10.1982.godine u Splitskoj bolnici nakon desetodnevne borbe da preživi posljedice saobraćajnog udesa. Vijest da je smrt nadjačala njegovu fizičku snagu i otrgla ga tako rano iz naše sredine bolno je odjeknula u srcima svih prijatelja, drugova, saradnika i poznanika.

Rodjen je 11.avgusta 1940.godine u Sarajevu. Geodetsku školu završio je 1960.godine u Sarajevu. Iste godine upisao se

kao redovni student prve generacije više geodetske škole u istom gradu. Po završetku studija školske 1962.godine stupa u radni odnos u Geodetski zavod u Sarajevu, gdje je ostao do kraja svoga života. Svoj radni vijek započeo je na poslovima fotogrametrije, gdje je kao pripravnik - restitutor potvrdio svoju marljivost i veliku ljubav za svoj poziv. Istovremeno se po potrebi službe uključuje i radi na terenskim poslovima premjera: dešifrovanja detalja, određivanja veznih tačaka, uspostavljanja i opažanja niza mreža za potrebe premjera i privrede. Kao iskusni stručnjak obogaćen praksom i stručnim znanjem radio je na poslovima triangulacije koje je izvodio Geodetski zavod u Libiji. Neprekidna želja za teoretskim i praktičnim usavršavanjem povela je Fikreta na nove poslove mehanografske obrade podataka. Svoj pionirski rad započeo je na stonim računarima da bi svoje dvadesetogodišnje iskustvo utkao u potpunu elektronsku obradu podataka.

Izvršavanju svih poslova prilazio je uvijek studiozno, savjesno i neumorno sav predat svojoj struci. Nesebično je prencsio bogato stručno iskustvo na svoje mladje kolege, volio je ljude i rado im pomagao.

Svoj životni put aktivniste Fikret je započeo još u školskim klupama. U srednjoj školi je bio član izviđača, dramske sekcije, fotokluba. Učesnik je mladinskih radnih akcija. Svoju aktivnost nastavlja i na Višoj geodetskoj školi i kao takvog 1962.godine organizacija SK ga prima u svoje redove.

Bio je aktivan u društvu inženjera i tehničara gdje je obavljao razne funkcije, kao član predsjedništva i sekretar saveza inženje-

ra i geometara SRBiH.

U geodetsku struku za dobrobit naše Socijalističke zajednice ugradio je cijelog sebe i postigao velike rezultate. Smrt je neumoljivo otrgla vjernog saputnika kroz život od njegove žene, a djeca su izgubila dobrog oca, vaspitača i oslonac za dalji život.

Svim njegovim poznanicima, a posebno nama koji smo s njim direktno saradjivali ostaće u usporeni kao dobar drug i prijatelj koji je volio život, društvo i šalu, ali je u svetu znao da nađe pravu mjeru te je zbog tih osobina bio cijenjen, poštovan i voljen.

ZA SVE ŠTO JE UČINIO NEKA MU JE SLAVA I HVALA!

Hadrović Nusret

Mehmedagić Mustafa